

吉長日報號外

中華民國元年二月二十三日 星期五 (陰歷正月初六日) 號外第六

每紙收銅子壹枚

社說

論宜取消關東都督名號

藍秀豪君此次任關東都督。在孫中山爲臨時大總統時代。其時南北僭若鴻溝。各分界限。藍君未能盡東特任以關東都督。爲經略三省地步。故北京政府之任。東三省督撫。俾行使其政權也。如故而南京政府之任。關東都督徐圖其進取也。亦無所顧忌。雖一地位。不能含有兩性。然南有南之辦法。北有北之辦法。固無所往而不可也。適者民國大定。南北一家。讀袁總統暨藍都督各電。專趨和平辦理。英雄舉。不設成見。不以前事爲芥蒂。光明磊落。固東省人士所共喻矣。然記者謂宜將關東都督名號此時暫行取消。何以故。南北既一家矣。有關東都督。可以無東三省督撫。今東三省督撫既云暫不更動。則關東都督之當然取消。自無疑義。義既云。駢拇枝指。莫此爲甚。一也。當政體未定以前。藍軍翔於芝罘。與東省軍隊隔海一衣帶水。關外壯士。以爲藍君行且揮軍渡海矣。不無戒備。即此戒備之舉。動兩方已有主客之觀。此時固均反客爲主。然保無絲毫形迹。猶未盡混者乎。此在達者必能見及。二也。藍君赴芝罘後。即有派人來東之說。半月以前。孟弓蛇影。疑似頗多。近日哈爾濱鐵嶺之事。聞仍有假藍君旗幟者。此可係半月以前之命令。亦未可知。然藍君若隔海遠駐。名號依然。未能蒞東辦事。則此類事實。或且繼續發生。重費周折。亦未可必之數也。三也。或謂南省皆舉都督。東省亦宜一致。藍君固不必爲都督。而關東都督則不必。因藍君而撤消。不知現在新官制未定。究竟各省定用名號。猶未發表。且未改都督者。尙不止東省。何必多此一舉。耶。四也。綜是四端。則關東都督之名號。亟宜取消。無待言者。天下初定。人心易搖。撫撫安輯。正賴英豪藍君氣魄沈厚。威望夙著。而又諸練軍務。謂宜由大總統別任。以軍事上重要位置。俾於危疑震撼之交。爲民國長城之恃。此至不易之論也。

電報

南京參議院致各省都督督撫諮議局各報館電云。接黎副總統電。稱中央政府已準備重新組織副總統及大元帥之職。應先辭退。云云。本院當開會公決。謹從黎公之意。于廿開臨時副總統選舉會。特此奉聞。參議院致各報館均鑒。二十日午後二時開臨時副總統選舉會全體一致舉定黎公元洪爲臨時副總統。謹聞。參議院叩。

民國元年二月二十一日蘇州來電武昌黎副總統各省都督督撫諮議局鑒。頃民團聯合會民社國民協會民立報神州日報時事新報大共和日報公電稱。頃報載參議院議決建都北京政府駁令復議。並聞川陝議員相繼辭職等因。查北都關係外交內政最巨。若捨北取南。帝黨有死灰復燃之慮。強敵有乘機侵略之虞。況立法爲行政所侵。不能保其獨立。民國開此惡例。大可寒心。望公電抗議。以全大局。等由。速即轉達。蘊寬喧印。

吉林公署致各省通電頃接莊都督兩電。於建都利害論之甚詳。洞見本原。目光如炬。竊謂中原樞紐。端在西北。徵之歷史。由西北而控制東南。易由東南而控制西北。難兩成河山。可指諸掌。矧內外蒙古緊接幽燕。居中馭之。自可收指臂之效。若舍此而南。形勢既有不便。情誼即不能聯。萬一意見參差。不復內嚮。屏藩頓失。外人且從而生心中。中原之禍。莫大於此。此不可改都。南京者一也。國體初定。建設刻不容緩。如

建都南京中央各衙署勢必重新修築無
論財力艱難鮮可籌措即勉強營造亦匪
旦夕可以告成北京則形式俱備但須法
制更定即可實行此不可改都南京者二
也京奉之綫直接歐洲外交團久稱利便
各國使館如令隨我遷徙其中必有梗議
者倘因外人饒舌我仍改圖則新發之利
已損價值此不可改都南京者三也民國
新造組織尚未完全億兆心理豈能盡合
如政府離北京甚遠保持皇室即不能周
密一旦奸人乘隙煽動立可與戎莊都督
所慮挾幼主破壞全局一層至為切要此
不可改都南京者四也總之此次政體改
革雖倡自南方而大功告成似宜統籌深
計以取高掌遠蹠之勢若謂人發難建
都必在南京是猶有畛域之見目下縱云
統一將來南北心理必致釀成紛爭竊以
為非共和之福也布露愚見敬候采擇如
以為然請合力電爭以維大局昭常口

民國元年二月二十二日天津來電北京
新舉袁大總統南京孫中山先生武昌黎
宋卿先生南京參議院上海中華民國聯
合會民社國民協會民立報神州日報時
事新報大共和日報各省都督議會軍界
暨諮議局諸公均鑒政體更新總統舉定
南北一致中外咸孚民國重新古業經緯
多端政府地點問題關係尤鉅審時度勢
莫若都燕謹列八條藉申一得伏維全球
大局恆視形勢為轉移近日列強眼光
已漸略海權而趨大陸觀於巴馬河之
鑿通貝加爾湖之雙軌安奉鐵路之橋胥
注意於太平洋暨遠東各處此後文明輸
灌世界大同北京由陸赴津達歐洲交通
利便是不宜舍北而南者一近年親貴
改招權納賄一旦失勢實不甘心是以有
密送朋友不送奴僕之論倘總統輕去無
人坐鎮則專制之餘威再熾劫迫之故智
復萌不特挾天子以令諸侯抑將借外兵

以平內亂禍機一發根本動搖是不宜舍
北而南者二南北滿內外蒙近接邊疆皆
係必爭之地燕都扼吭拊背足資控制
若棄而之他則龍荒非復我有是不
宜舍北而南者三中國幅員廣袤地學
或以建都偏北短之是但就各省統觀而
未嘗合亞洲並計黃種生齒日繁無地可
以殖民天留蒙草以待開闢將來鴻規大
啓遷民實邊遠暨聲威兼饒畜牧是不宜
舍北而南者四國基新立萬端待理餉源
枯竭著手最難燕京自前明遷都以來還宮
廷廟宇園囿市廛締造經營規模式廓近
年軍事戎器之富學校圖籍之儲凡百增
設甲於全國祇論已成之局非財力所堪
舍此別圖何從籌舉是不宜舍北而南者
五共和成立與民更始舊時之稅政宜除
而新陳代謝舉凡制度之見於冊籍者良
有待於鉤稽此蕭鄴侯之入關曹武惠之
平吳所以獨有偉略也甯都倉猝草創鮮
所憑藉何物何事可以接收是不宜舍北
而南者六自各國締約通使以來北京使
館林立庚子以後展拓基址費益不貲一
旦遷移徵論外人認可與否而建築各費
何計酬償此外辛丑通商專約京奉京漢
關係條文牽涉多端尤難因應是不宜舍
北而南者七晉都建業北府諸公不聞舍
安燕雲坐失卽德美主各服遂淪宋遷臨
謀新別營都者八覆車宜鑒前事可師是
宜舍北而南者九以上理由極為顯明海
內賢碩類已週知指陳外人旁觀亦復言
論同致新國至計利害同之欲為久遠之
規模當取多數之利便謹布愚見望速決
定大局幸甚前途幸甚張鎮芳張懷芝張
錫鑾暨直隸各司鎮道將領同叩叩印

本部參議諸君公鑒茲訂於本月二十四
日(即陰歷正月初七日)下午一鐘為提
議組織臨時議會事在本部開特別大會
除函請正會長暨各部長屆時蒞會外伏
希諸君早臨與議為幸
吉林保參議會謹啓